



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU NEZAVISNI-NEOVISNI

Broj: 03-07-6-494/23
Sarajevo, 21.02.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE	6

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja političke stranke Nezavisni-Neovisni za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je politička stranka Nezavisni-Neovisni prekršila odredbe člana 4. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja političke stranke Nezavisni-Neovisni za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka Nezavisni-Neovisni se finansirala iz sljedećih izvora:

R/B	Izvori finansiranja	Iznos	Struktura
		(KM)	(%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	5.624,00	100,00
8.	Prihodi od propagande (3-g)	0,00	0,00
I	Ukupni prihodi (1-8)	5.624,00	100,00
II	Ostali prihodi i drugo	0,00	0,00
	Izvori finansiranja (I+II)	5.624,00	100,00

U godišnjem finansijskom izvještaju za 2022. godinu Nezavisni-Neovisni su iskazali rashode u ukupnom iznosu od 5.445,91 KM.

2. PREDSTAVLJANJE POLITIČKE STRANKE

Naziv političke stranke: Nezavisni-Neovisni. Skraćeni naziv NN.

Politička stranka Nezavisni-Neovisni registrovana je kod Općinskog suda u Orašju, Rješenjem broj: 025-0-Reg-20-000 038 od 19.05.2020. godine.

Sjedište političke stranke je u Orašju, ul. III Ulica 75.

Lice ovlašteno za zastupanje stranke i podnošenje finansijskih izvještaja za 2022. godinu je Enes Đulović, predsjednik stranke.

Prema podacima iz godišnjeg finansijskog izvještaja za 2022. godinu, politička stranka Nezavisni-Neovisni je iskazala sljedeću organizacionu strukturu:

- Sjedište.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj političke stranke Nezavisni-Neovisni za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2022. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja političke stranke Nezavisni-Neovisni obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju obavila je pregled finansijskih izvještaja političke stranke Nezavisni-Neovisni za 2021. godinu, nakon čega je izdat izvještaj o pregledu sa nalazima revizije i preporukama stranci da svake godine donosi program utroška sredstava na način koji će osigurati transparentnost trošenja sredstava i da finansijska sredstva troši u skladu sa programom utroška sredstava.

Nerealizovane preporuke:

Na osnovu uočenih nedostataka u godišnjem finansijskom izvještaju za 2022. godinu, utvrđeno je da politička stranka nije ispoštovala preporuke.

5. NALAZI I PREPORUKE

5.1 NALAZI

a) Politička stranka Nezavisni-Neovisni prekršila je odredbe člana 4. stav (1) Zakona o finansiranju političkih stranaka¹.

Nezavisni-Neovisni su u godišnjem finansijskom izvještaju za 2022. godinu iskazali rashode u ukupnom iznosu od 5.445,91 KM.

U Programu utroška sredstava za 2022. godinu stranka je planirala ukupne rashode u iznosu od 25.000,00 KM i to: režijsko-administrativne i ostale troškove u iznosu od 15.000,00 KM i troškove izborne kampanje u iznosu od 10.000,00 KM.

U godišnjem finansijskom izvještaju za 2022. godinu, politička stranka Nezavisni-Neovisni iskazala je troškove reklame i propagande u iznosu od 319,41 KM, troškove usluga u iznosu od 70,00 KM, troškove platnog prometa u iznosu od 256,50 KM, donacije pravnim licima u iznosu od 3.800,00 KM i stipendije u iznosu od 1.000,00 KM.

Analizom programa utroška sredstava, utvrđeno je da politička stranka Nezavisni-Neovisni nije sačinila program utroška sredstava na način kojim bi se obezbijedila transparentnost planiranog trošenja sredstava, kao i uporedba ostvarenih troškova sa planiranim, te nije moguće utvrditi da li je politička stranka i u kojem iznosu planirala troškove usluga, troškove platnog prometa, donacije pravnim licima i stipendije, koje je u finansijskom izvještaju iskazala u iznosu od 5.126,50 KM, čime je prekršila odredbe člana 4. stav (1) Zakona o finansiranju političkih stranaka.

¹ U skladu sa odredbom iz člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

b) Politička stranka Nezavisni-Neovisni prekršila je odredbe člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja, utvrđeno je da politička stranka Nezavisni-Neovisni nije popunila obrasce rahoda godišnjeg finansijskog izvještaja za 2022. godinu u skladu sa odredbama 21., 22. i 23. Pravilnika o godišnjim finansijskim izvještajima političkih stranaka, čime je prekršila odredbe člana 12. stav (1) i stav (4) Zakona o finansiranju političkih stranaka.

Stranka je u obrascu 4.1 (režijsko-administrativni i ostali troškovi) godišnjeg finansijskog izvještaja iskazala troškove reklame i propagande u iznosu od 319,41 KM.

Uvidom u račun dobavljača „Grafolade&77x7“ d.o.o. Donja Mahala, broj: 0837/22 od 30.09.2022. godine u iznosu od 319,41 KM utvrđeno je da se isti odnosi na troškove propagande u izornoj kampanji.

Stranka je trošak u iznosu od 319,41 KM trebala iskazati u obrascu 4.2 (troškovi propagande) godišnjeg finansijskog izvještaja.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Nezavisni-Neovisni su u svrhu izborne kampanje mogli da potroše sredstva u iznosu od 8.088,60 KM.

Prema podacima iz godišnjeg finansijskog izvještaja za 2022. godinu troškovi propagande iznosili su 319,41 KM³.

5.2 PREPORUKE

Preporučuje se političkoj stranci Nezavisni-Neovisni da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da svake godine donosi program utroška sredstava na način koji će osigurati transparentnost trošenja sredstava i da finansijska sredstva troši u skladu sa programom utroška sredstava i*
- *da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, politička stranka Nezavisni-Neovisni nije dostavila primjedbe na mišljenje revizora i nalaze revizije date u Preliminarnom izvještaju o pregledu godišnjeg finansijskog izvještaja za 2022. godinu.

Šef Odsjeka za revizijske poslove

Sanja Tošović

Revizor

Tanja Golijanin

Šef Službe za reviziju

Mr.sc Hasida Gušić

² Član 15.10 stav (2) Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

³ Stranka je u obrascu 4.1 (režijsko-administrativni i ostali troškovi) godišnjeg finansijskog izvještaja iskazala troškove reklame i propagande u iznosu od 319,41 KM.